



18. oktober 2012

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1. Piniarnermik nakkutilliisut jagtбетjentit ikiortaai tamarmik suna pissutigalugu soraarsinneqarpat?**
 - 2. Piniarnermik nakkutilliisoq pisortat angallataanni sulivoq, nakkutilliartornermilu ungasissumut angalanermini sooq kisimiilluni angalatinneqassava?**
 - 3. Piniarnermik nakkutilliisoq ajutoorsimasunik ikiuissaguni nakkutilliartornermi ikiortissaqaranilu taava qanoq iliornisaa takorloorneqarpa?**
 - 4. Ilumut angallatit nakkutilliinermi atorneqartut kisimilluni ingerlateqqusaappaat?**
 - 5. Ukioru apippat snescoterinik misissuiartortoqartalerpat aamma ungasissumut pinianermut nakkutilliisut kisimiillutik angalatinneqartassappat?**
 - 6. Arlaatigut ajutoortoqassappat akisussaaffik kiap tigussavaa?**
 - 7. Angallatit nakkutilliinermi atorneqartut qassiuppat?**
 - 8. Sumi angallatit angerlarsimaffeqarpat?**
 - 9. Aningaasat nakkutilliinissamut immikkoortinneqarsimasut qassiuppat?**
- (Inatsisartuni ilaasorta q Hans Enoksen, Siumut)

Tunngavilersuut:

Piniarnermik nakkutilliisut angallataat ilisimasakka malillugit 33-38 fods-iupput massakkullu ataasiinnarmik inuttaqartussanngortinneqarsimanerat illersorneqarsinnaanngilaq. Tassa piniarnermut nakkutilliisoq kisimiittussanngorsimavoq ikiortaasa soraarsinnerisigut, tamanna toqqissimananngilaq.

Piniarnermik nakkutilliisup suliassaas annertuujupput, ilaatigut aalisarfinnik misissuineq, qassutaarsiutinik piaanerit, nunami piniarfinnik nakkutilliinerit misissuinerillu. Tamakku ingerlanneqassappata piniarnermut nakkutilliisoq kisimiilluni sulisinnaanngilaq, tassami aamma sila naalagaammat. Anorersualernerani angallatip nakkutigineqarnissaa eqqarsaatigalugu inuk kisimiilluni angalatinneqarnissaa illersorneqarsinnaanngilaq!

Ullut suliffiusut qulit iluanni apeqqutit akineqarnissaat kissaatigaara.

Ikinngutinnersumik inuulluaqqusillunga

Hans Enoksen, Siumut